

443
8

重刊牛痘新書小引



牛痘小技也亦夷醫也中土之人相與鄙之不知可鄙者夷不可鄙者醫也蓋為人之司命苟有裨益於人擇其所也雖夷不顧也昔緣兒女撫育維艱當天花盛行夜卧不能安枕欲種牛痘不得其傳且無其種後客維揚因問業於長沙楊煦生師是時師應

冠文毅公聘延至邗上包氏濟安堂中朝



獲追隨焉嗣蕪邑豐備義倉設局施種

家伯祖勤敏公命歸鄉里襄其事者

年當塗邑侯黃五雲季晉猗二公

會同紳董相繼設局屬余兼司其事一時

如學使李滋園夫子文孫張鶴生觀察

少君皆相延引種然不勝跋涉之勞余因

案鍼灸大成考正穴法增繪四圖為說

後載入邱氏引痘方書原本不敢增減一



字仍其舊也戊申春嘯琴堂伯時富淮

南齋尹招余為其子若女引種而商陳

煥甫吳慎旃諸君又復延至西園為其佈

種多人刻無甯晷是秋蒙本省

曉林王大中丞蔣公蔚亭時為方伯設

局施種專差齋聘促余回皖廣為引種以

企溥施並重刊是書中丞樂為之序以

冠諸首及門查君吉父大尹亦曾刊於袁




江常郡等處大都皆欲徵信於人慨自兵
燹以來十載於茲流離瑣尾此術久
之度外其板均散佚無存不意於同
元春由上海渡洋見裏下河一帶其漿猶
有存者實出望外東亭楊君小谷挽余為
邑人引種迨今亦種至數千百人三月間
忽得查君專函緣
宮保爵督李公謂牛痘法簡易行蘇省彫



敝之後尤以保赤為要應劄善後局
金陵章程辦理設局廣為施種命余趕緊
赴蘇駐局盡心佈種誠以愛民為善後之
本保赤尤愛民之源余承乏之下敢不竭
盡血忱以仰副

各大憲愛民保赤之心拯之民命至重尤
不敢以夷技見遺也幸王君賓門暨蔣致
遠壻均有鈔本惜中丞之序不存今承

寶山大令 陶肖農先生重刻是書欲廣
其傳因識其顛末如此
同治歲在戊辰莫春之初當塗黃安敏識
於蘇臺公局



重刊牛痘新書小引
牛痘之說脩載諸篇茲
具論其種之
易余亦屢經目見無不
手成春不旬餘而華開蒂
落小兒初落無其事者其



妙殆不可思議今自設局
呂來三幸於茲余家男女
孫曾九人及所識親友大
江南北不下數千餘人經
所謂十全為上者牛痘是
矣安敏姪孫素精此術既

較正其書復增繪卯
說附後謀重刻以廣其傳
亦勤矣哉爰叙其大略如

此

道光戊戌陽月二十九日
全田氏黃鉞識



重刊引痘略序

痘症為童年之關隘今古僉同倘值疹癘天行家傳戶
染雖有醫方保護而其中天札已多向來神痘一科堪
以幹旋造化大抵不外乎絮鼻吹苗等法使苗氣驟達
五臟內毒亦遽由五臟而發故發之暴而順險不常縱
能先事預防猶莫必萬全無失嘉慶間即聞嶺南有引
種牛痘之術心竊慕之而未得其詳壬午歲偶在友人
處獲見痘書刊本其法由兩臂手少陽三焦經刺種予
少習鍼灸兼明導引人身經絡知之最稔蓋三焦者六
腑之一也為百脈之關鍵總領臟腑營衛凡手足三陰

三陽奇經八脉諸經無不交會相通鍼灸書中載明可
考刺其穴而種之使苗氣從腑入臟毒則由臟達腑發
於肌膚如闢門開徑導取各臟先天之毒引以路徑而
出故能化險為夷不但較天行之痘趨易而避難即較
苗種之痘事半功倍予閱是書信之深而行之急遂
命子良丞選覓痘痂浸以牛乳按穴試種頗能應手奏
功而種過嬰孩更試以天花苗氣並不再發第種非牛
痘真漿透發漫無定處由臂而入者不皆由臂而出四
肢身面顆粒疎密無常予恐非種亂真惕然中止愈信
其術之靈而種非牛痘不可道光甲午江南痘患為甚

奚止億萬殤亡余心憫之莫能診救適聞牛痘之種各省好善者先已遞相傳引余疊次覓寄乾苗均以後期性過無用丙申春擬赴楚購取痘漿雇帶嬰兒沿途接種又慮路遙人衆為難幸賴

宮保制府陶公本誠求保赤之懷體天地好生之德仁周胞與善樂人同給照造行俾無阻滯昨於四月間傳至揚郡並已分種蕪湖遠邇聞風而至余宅後舊設濟安堂藥局施醫即於此處兼種牛痘現在種過嬰孩相安無事來者至集惟願痘漿不絕愈傳愈廣則躋斯民於壽域永沐

宮保長養生成之賜矣是為序

道光十六年歲次丙申秋九月京江厚村包祥麟識



南京中医药大学图书馆版权所有

序

牛痘之法傳自楚粵間其術甚驗古今方書所未載或以為疑余曰何疑乎生人之病皆感於六氣不時七情失節獨痘症受自有生之初胎火鬱於臟腑達之弗出則死出之不盡猶之死也火性雖烈而蘊結臟腑之中發必有路引必有物苟失其路則妄行十二經絡必有塞而不宣者雖蒼扁不治有物焉引之使達如燈之傳如種之生以類相感行乎自然此近世種痘之法以前嬰之漿接引後嬰其法所由良也雖然嬰兒性氣不齊稟於人者有厚薄滯雜之異則其傳於後嬰者或未盡



版权所有

良苟欲十全其惟牛痘乎蓋牛之為物其性屬土其氣最厚歆誠而能信東之則東西之則西百不一失焉其法始自何人吾不知知其由種痘之法悟而通之也保嬰若此其庶幾乎京江包君厚村善鍼法深明十二經絡見此法而善之病江南未有傳也而嬰兒以痘殤者甚衆慨然思所以拯之屬其子怡莊以重貲購牛痘種自楚中復取多嬰以次接種而至請於制府陶公給予護照以善其行于是蕪湖揚州皆設局所救嬰兒不可勝數包君復梓其方書廣傳於世厥功其有量乎余嘗勸成斯事及為原其所以然者叙諸簡端

道光十六年十月桐城姚瑩

